

吾

汶

藁

三

卷一

文

集

吾汶藁卷之五

祭劉司法夫人羅氏

嗚呼痛哉哭母未幾聞夫人訃弱妹
可憐哭姑哭母夫人平生姆儀可傳
救災賑隣如舊姻眷吾母群從夫人
所歸兩家兒女婚媾相依四世團樂
年踰八袞二母厚道得天者一奈何
疾革一復同時遂令吾妹朝往暮歸

吾母既逝夫人小差休戚相關幸一
母在曾幾何時惡風西來形枯淚盡
洒血爲哀夫人病中且問吾母吾妹
吞聲辭曰小愈夫人問妹汝曷憂遽
妹應夫人二母病故一死未保猶念
吾親行道之人所不忍聞生老病死
一一相類其不然者夫人夫貴葬復
同日二母何緣魂其相望萬古千年

重校

祭彭梅軒

嗚呼天遺公年二孫成立迨公棄捐
憂患涉歷今者遠日如公在時聲華
藻藉庭戶清夷眼底曾孫嶄然頭角
源遠流長有種斯穫嘉言碩行衆口
成碑素車白馬載道填溪西州之門
出不復入

元住郡西岩湖丙子寓城
西門內今返墓故里

冷日孤舟行道爲泣鮑知庾顧初意

謂何報公無自愧公則多手捉梅花
萬感一酌南枝已摧北枝可待失聲
似咽墮淚如鉛如公可負猶有黃泉

重校
改一字

代兒壽孫祭外姑劉孺人歐陽氏

嗚呼外姑已矣甥之事外姑者如此而已矣蘋祭禮嚴栢舟誓早事長而盡其孝教子而玉于成謂宜色養日長美孫娛晚何百年未五袞囊乃一疾而不可起耶婦德姆儀善言淑行賴令子伯仲朝談暮翹使聽者不忍聞而言者不得休行將著銘以付于千

載甥也一言而措則爲隨矣獨爲凡
質辱在甄收至於焉依則令外姑令
子之所教母留愛女俾夫從妻子善
事親要婿共養益控辭再四而不獲
非見利而自趨有所要而後進者於
是又三年矣外姑撫顧令子挈提其
得免饑渴脫水火者何莫非德然以
別二親而奉外姑舍諸兄而從令子

疑是違
別本同

朝侍夕養稍遠則追上彌下縫微拂
是懼方且進殫酌應退廢耘耔巷誚
街談抗顏不顧蓋自謂奉命承教可
幸毋負豈意外姑捐棄骨肉饑寒死
生離合之際已有不忍言者夫招之
可來者麾之固可去矣進退以禮誰
得而違之耶嗚呼生我者父母也而
既老矣館我者外姑也而既送終矣

鳴呼外姑從此辭矣

下卷香烈之固而亦其步相野
主籍合以劉而亦不為言
幸爾爾意亦甜而亦不為言
後於其眼亦甜而亦不為言
且則亦其意亦甜而亦不為言
醇利又其意亦甜而亦不為言

張其金

校
改一字

代兒敏孫祭外舅高逢齋

嗚呼不善之類毫耄期頤公不上壽
善者則疑衣紫腰黃可貴可賤公懷
其才而飭其行微言似易人不可違
小退若懦人不忍欺豈不利交無我
誰怨豈不勢接不競誰辨而况家訓
慙慙勤勤我積我累勿斧勿斤家之
大止鄉之王烈樓棟春融堦蘭秀茁

義別本作義

六藝之學談析如飴過庭得之聲聞
四馳偕老鹿門課孫娛晚色養情深
百年猶短微病可飯尊者之常天奪
何遽變起倉惶午飯夕催連輿載月
生女何爲不及一訣誰無子婿誰無
丈人慙承愧荷撫愛皆真甥於外舅
如子職可辱公我婿而不婿我所不
敢數恐累勤渠幼早知有今其忍踟躕

外孫拜晚幼病之故既見復病更累
憂顧嘉言碩行服膺愧魯婿愆必誠
私心必吐西州之門西州之路甥舅
之情永絕千古

重校

別李作屈

代姪真孫祭從舅彭竹岩

嗚呼昔哭公喪甥有母在今公歸窆
母不可待公於吾母雖從而親哭母
念母後死何情緬想儀刑高風抗直
抑強屈如爭直道如激早逢世難諸從
齊驅宗祀無恙閭里安居花竹園林
詩酒庭館吏塵不侵客坐常滿人生
逸樂當在暮年變成禍會何數何緣

一子父慟一弟兄哭

言其喪子與弟序逆情

垂得年何促歔歔孤苦公冀後凋云

何中壽魂復難招惟公令孫出自仲

氏繩武應門如公之世長兒非才聘

公孫女公不及見而公夙許亦既依

託敢負一言既言於公哭公弟前弟

後兄先二旒舉矣二旒舉矣不復聚

矣行道有知猶爲沾襟甥不痛絕甥

獨何心